



ՄՈՍԿՎԱՅԻ ԵՎ ՀԱՄԱՅՆ ՌՈՒՍԻԱ ՊԱՏԲԱՐԻ ԱԼԵՔՍԻ ԲԱՅՄԱՆ ԽՈՍԻՐ ՍՈՒՄ ՔՐԻՍՏՈՆՅԱ ԵԿԵՂԵՑԻՆԵՐԻ ԵՎ ԿՐՈՆԱԿԱՆ ԱՅՈՒ ԿԱԶՄԱԿԵՐՊՈՒԹՅՈՒՆՆԵՐԻ ՄՈՍԿՎԱՅԻ ԿՈՆՑԵՐՆԵՑԻԱՑՈՒՄ



արգելի՛ բարեկամներ, խաղաղության պաշտպանման հարցին նվիրված մեր կոնֆերենցիայի անդամներ, բանկազի՛ն եղբայրներ.


Հանձինս ձեզ ամբողջ սրտով ողջունում եմ խաղաղության պաշտպաններին, ձեզ, որ ներկայացնում եք այս կոնֆերենցիայում մեր մեծ երկրի բոլոր եկեղեցիները և կրոնական միավորումները: Ողջունում ու շնորհակալություն եմ հայտնում ձեզ իմ հրավերին ցուցաբերած այդքան համերաշխ արձագանքի համար: Շնորհակալ եմ և հավատացած, որ դուք բոլորդ ժամանել եք այստեղ անկեղծ պատրաստակամությամբ՝ միասին բնարկելու միջազգային խաղաղության ամրապնդման գործին մեր կողմից ցույց տրվելիք օգնության հարցը:

Պետք է ասել, որ մենք ժամանակին եմք հավաքվել, հատկապես պատասխանատու մի ժամանակ, երբ յուրաքանչյուր վերահաս օրը կոչ է անում ժողովուրդների խաղաղ կյանքը պաշտպանելու համար նոր աշխատանքի: Մենք բոլորս արդեն փչել ենք աշխատել մեր ժողովուրդների հետ միասին այդ բարի նպատակի համար, բայց խաղաղության բշտամիների մեքենայությունները շարունակվում են, ուստի և անհրաժեշտ է, որ մենք բոլորս եռապատկենք մեր զգոնությունը, որպեսզի կանխենք կործանարար պատերազմը և մարդկության համար ապահովենք խաղաղության ու բարօրության օրեր:

Այն բանից հետո, երբ 1948 թվականին ինք ինքնանկախ ուղղափառ եկեղեցիների ղեկավարներ ու ներկայացուցիչներ Մոսկվայում ժողովվելով սկիզբ դրին խաղաղության համար մղվող պայքարում իրենց գործողությունների միասնությանը, նրա օրինակը և կոչերը այդ մեծ գործի մեջ ներգրավեցին բոլոր դավանանքներին պատկանող հավատացյալ մարդկանց զգալի մասսաներ: Այս կապակցությամբ ուզեցիմ օգտվել Ամենայն Հայոց Կաթողիկոս Գեորգ Զ.ի մեզ հայտնած բարի մի մտահղացումից՝ խաղաղության գործին ցույց տրվելիք օգնության համար հրավիրել ո՛չ միայն բրիտանոյա եկեղեցիներին, այլև բոլոր կրոններին պատկանող հավատացյալների կոնֆերենցիա, նպատակ դնելով համախմբելու Սովետական Միության մեջ գտնվող բոլոր եկեղեցիներին ու կրոնական միավորումներին գործունեությունը՝ ի պաշտպանություն խաղաղության:



Մոսկվայի և Համայն Ռուսիո Պատրիարք Նորին Սրբություն Ալեքսին
բաց է անում կոնֆերենցիան



Առանց կանխորոշելու, թե կոնֆերենցիան ինչ դատողություններ կանի խաղաղության ամրապնդման օգտին գործողությունների միասնական ծրագիրը մշակելու մասին, մենք չենք կասկածում, որ արգասավոր է բուն այն գաղափարը, որի համաձայն հարկավոր է միավորել աշխարհում գոյություն ունեցող բարոյական ուժերը մի ձգտման համար, այն է՝ դատապարտել պատերազմի նախապատրաստման և հրահրման ֆաղափակությունը և աջակցել ժողովուրդների կառավարություններին, որպեսզի նրանք համաձայնության գան միջազգային կյանքի այդ կարևորագույն հարցի նկատմամբ:

Մենք համոզված ենք, որ այդքան վսեմ, ազնիվ խնդրի լուծմանը խանգարել չեն կարող մեր դավանած կրոնների տարբերությունները, որովհետև մենք բոլորս հավատում ենք միակ Աստծուն և բոլորս ընդունում ենք սերն ու խաղաղությունը որպես մարդկային համակեցության բարձրագույն սկզբունքներ: Ուստի մարդկային և միջազգային հարաբերություններում սիրո և խաղաղության յուրաքանչյուր խախտում չի կարող մեր մեջ եռանդուն հակազդեցություն առաջ չբերել:

Անարդարացի պատերազմը Կորեայում, այնտեղ, նմանապես և Չինաստանում բախտերի լուրջ հավանական զենքի գործադրումը, նոր համաշխարհային պատերազմի նախապատրաստումը — անավասիկ այն փաստերը, որոնք այլ կերպ չի կարելի անվանել, քան հանցագործություն ընդդեմ սիրո և արդարության, և չկա ոչ մի կասկած այն մասին, որ այդ հանցագործությունների դեմ պայքարելը յուրաքանչյուր հավատացյալ մարդու պարտադիր ու սրբազան գործը պետք է լինի և այդ հատկապես նրա հավատի պատճառով:

Այդ հենց այդպես էլ է մեր իրականության մեջ. մեր երկրում գոյություն ունեցող բոլոր եկեղեցիներն ու միավորումներն արդեն զգալի ներդրում են կատարել խաղաղության պաշտպանման գործի մեջ և չեն ընդհատում իրենց ջանքերն այդ ուղղությամբ, որի մասին վկայում է այս բազմամարդ կոնֆերենցիան:

Սակայն մեր ջանքերը խաղաղության համար՝ ազդու կլինեն, եթե մենք դրանք միավորենք և նույն բանի համար կոչ անենք բոլոր եկեղեցիներին և ժողովուրդներին պատկանող հավատացյալ մարդկանց: Այդպիսի ուժը գործելով հօգուտ ճշմարտության, հանուն սիրո, կօգնի կաշկանդելու և սանձելու պատերազմի գազանին:

Իի հավատով մեր ընդհանուր գործի և այն բանի նկատմամբ, որ Աստված կօրհնի ժողովուրդներին ընդհանրական խաղաղությամբ, ես մի անգամ ևս ողջունում եմ սույն կոնֆերենցիայի մասնակիցներին և մաղթելով Աստծու օգնությունը կոնֆերենցիայի աշխատանքների սկզբնավորության, ցանկություն եմ հայտնում օգտավետ կերպով ֆենարկելու այն խնդիրները, որ դրված են մեր երկրի եկեղեցիների ու կրոնական միավորումների առջև՝ խաղաղությունը պաշտպանելու գործում:

Ես հրավիրում եմ նախագահության մեջ տեղեր գրավել արտասահմանյան մեր բանկազին հյուրերին՝ Ռումինական Եկեղեցու Բարձր Սրբազնության միտրոպոլիտ Սեբաստիանին, Հոլանդիայից ժամանած հյուր հովիվ Հուգո Վան Դալենին և խաղաղության պաշտպանության Սովետական կոմիտեի նախագահ Ն. Ս. Տիխոնովին:

